



一
三

82695

大藏一覽集卷第二

寧德優婆塞陳寶蓋編

第四門○良由善惡二途故使升沉六道

凡一十六品因緣四百一十九則
此門義廣分爲四卷

三歸品第十八 十善品第十九

布施品第二十

三歸品第十八五則

○先自歸依佛法僧○由是修持身口意

羯磨經云歸依佛者歸於法身謂一切智無學功

德五分所成歸依法者歸於自他盡處謂斷欲無
欲滅諸涅槃歸依僧者歸於第
一義僧謂良祐福
田聲聞學無學功德也

入字函
第一卷

大方便經云三

歸是三業性身口意業也又云三寶爲所歸所歸
以救護爲義譬人有罪於王投向異國以求救護
異國王言汝來無畏莫出我境莫違我教必相救
護衆生亦爾繫屬於魔有生死罪歸向三寶以求
救護若誠心三寶更無異向不違佛教魔王邪惡
無如之何

器字函
第六卷

華嚴經云自歸於佛當願衆
生體解大道紹隆佛種自歸於法當願衆生深入

經藏智慧如海自歸於僧當願衆生統理大衆一
切無礙

平字函
第四卷

宗鏡云教中道自歸依佛等終

不云歸依於他故云自性不歸無所歸處夫歸者
是還源義衆生六根從一心起既背自原馳散六
塵今舉命根趨攝六塵還歸其本一心之原故曰
歸命一心即具三寶又云一體三寶者只是一心
心性自能覺照即佛寶心體本自性離名法寶心
體無二即僧寶又云臻大師問可大師曰但見和
尚即知是僧未審何者是佛云何爲法答曰是心
是佛是心是法法佛無二汝知之乎

侈字函
第六卷

○天福大盡將猪報。佛授三歸證道因。
折伏羅漢經云昔忉利天子壽命垂盡五衰相現
觀壽終後墮猪胎中愁悶不樂有天語之佛能脫
卿之罪耳即到佛所作禮未問佛告天子一切萬
物皆歸無常汝素所知何爲憂愁天具白佛佛言
欲離豚身當誦三歸即從佛教晨夜自歸七日壽
盡下生維耶離國作長者子在母胞胎日三自歸
始生墮地亦跪自歸舉家深恠謂之熒惑意欲殺
之惟父有識曰此兒者非凡流世人百歲尚不曉
自歸三尊況初墮地而能稱南無佛好視養之兒

年七歲路逢舍利弗等小而能禮衆咸驚咤兒言
道人不復見識我在天上應生惡道佛授自歸故
得爲人願以我言因請世尊諸菩薩僧及仁等也
受請而夫兒還以告父母願辦供食父母異其年
幼開發大心喜而營之佛及衆僧各作神足來應
兒供以爲說法兒及父母内外親屬皆得阿惟越

致靈字爾

第二卷

十善品第十九 二十三則

○聞見如來得清淨○修種善根悉不虛
華嚴經云一切衆生若有得見如來色身眼得清

淨若有得聞如來名號耳得清淨若有得觸如來戒香鼻得清淨若有得嘗如來法味舌得清淨具廣長舌解語言法若有得觸如來光者身得清淨究竟獲得無上法身若於如來生憶念者則得念佛三昧清淨若有供養如來所經土地及塔廟者亦具善根滅除一切諸煩惱患得賢聖樂設有衆生見聞於佛業障纏覆不生信樂亦種善根無空過者乃至究竟入於涅槃復次應知於如來所見聞親近所種善根皆悉不虛出生無量覺慧故離於一切障難故決定至於究竟故譬如丈夫食少

金剛終竟不銷要穿身出何以故金剛不與肉身雜穢而同止故種少善根亦復如是穿煩惱身過究竟題何以故善根不與煩惱共故

熱字爾
第二卷

○修一善能破百惡○投星火可爇聚薪

大涅槃經云富有二種一者象馬種種畜生二者金銀積種珍寶象馬雖多不敵一珠衆生亦爾一者惡富二者善富多作諸惡不如一善修一善心破百種惡如少金剛能壞須彌亦如少火能燒一切一字爾華嚴經云假使乾草積同須彌投芥子火燃皆燒盡何以故火能燒故種少善根亦復

如是必能燒盡一切煩惱究竟涅槃何以故此步
善根性究竟故

第十一卷

○禮佛頓獲五種福。持患能消百八慾。
珠林舉增一阿含經云禮佛有五功德一者端正
以見相好生尊上故二得好聲以歌詠佛等正覺
故三多饒財以具香華爲供養故四生處高貴以
膝著地長跪禮故五生天上以念佛功法應爾故

蒙字函

第十一卷 木患經云波琉璃王白佛我國中父患
使我憂勞不得修行願賜易修要法佛告王言若

欲滅煩惱障報障者當買木患子一百一八以常

自隨行住坐卧恒當志心無分散意稱佛隨達磨
佛陀名乃過一木患子如是漸次度木患子若干
若二十若干乃至百千萬若干滿二十萬端
身心不亂無諸誦曲捨命得生第三炎天滿百萬
遍當得斷除百八結業始名生死流趣向泥洹
斷煩惱根獲無上果大王禮謝即辨木患子以爲
千具六親國戚皆與一具玉常誦念雖親軍旅亦
不廢置又作是念世尊大慈普應一切若我此善
得免長淪苦海佛當現身爲我說法願樂迫心三
日不食佛即應形至其宮內而告王曰莎斗比

誦三寶名經歷十歲得成斯陀含果漸次習行
在普香世界作辟支佛王聞是已倍復修行佛告
阿難何況能誦三寶名經歷万數但能聞此人名
生一念隨喜者未來生處常聞十善衆喜奉行

學字

函第
四卷

○臨難一稱南無佛○隨聲大救滿船人附滅
獄火
智度論云念佛三昧有大福德能度衆生如昔日
有五百佑客入海採寶值摩伽羅魚王開口海水
入中船去駛疾船師問樓上人汝見何等答言見
三日出自白山羅列水流奔趣如入大坑船師言是

摩伽羅魚王開口一是實日兩是魚眼白山是魚
齒水流奔趣是入其口我曹了矣各求諸天神衆
以自救濟是時諸人復求所事都無感應中有五
戒優婆塞語衆人言佛能救厄當共同聲稱南無
佛此魚先世是佛破戒弟子聞稱佛聲得宿命智
心自悔悟即便合口船人得脫以念佛故俱免死
厄聖字函
第七卷珠林舉譬喻經云昔有國王然父自
立有阿羅漢知此國王不久命終計其餘命不過
七日若命終後必墮阿鼻地獄一劫受苦此阿羅
漢尋往化之勸教至心稱南無佛七日莫絕王便

一心稱念晝夜不廢至于七日便即命終魂神趣向阿鼻地獄乘前念佛至地獄門即便大聲稱南無佛罪人咸聞一時同聲稱南無佛地獄猛火即時化滅一切罪人皆得解脫第三卷

第三卷法華偈云

若人散亂心入於塔廟中一稱南無佛皆已成佛道

翻字爾

第一卷

○四方山合王何計○一念檀修自可超涅槃經云佛告波斯匿王有親信人從四方來各作是言有四大山從四方來欲害人民當設何計王言此尊設有此來無逃避處唯當專心持戒布

施我即讚言善哉大王我說四山即是衆生生老病死常來切人云何不修戒施王言世尊持戒布施得何等衆佛告大王於人天中多受快樂

體字
第

九

○受佛付囑賓頭盧○爲世編田檀越供

珠林云賓頭盧尊者受佛教勅爲末法人作大福田有一長者凡三次如法施設大會至心敬請於瞿曇下遍敷好華驗之大衆食訖發視瞿曇之下華悉萎黃懊惱自責不知過所從來復請百餘法師求請所失懺謝罪過有一上座告之三僧請我

皆來以我年老衣服弊壞汝自使奴門中見瘥我
遂強入被打頭破右額瘡是第二會來復打額中
瘡是第三會來復打左額瘡是汝自為之何所懊
惱言已不見長者乃知是賓頭盧自爾以來諸人
設福皆不遮門精誠感徹無不至也或在上坐或
中下坐人求其異終不可得坐華不萎乃知之矣
今見齋家多不依法但逐人情安置九俗全不愛
佛及於聖僧如經所說施主闔家虔誠預前七日
掃灑佛堂及安置聖僧坐處洗浴潔身燒上名香
懸繒幡蓋散衆雜華手執香爐盡誠敬仰奉請三

寶及以聖僧十方法界一切聖凡受弟子請降屈
聖儀若是貧家無好香花復無安置之處臨時斟
酌僧未坐前先上好處安置佛座次聖僧座敷設
新淨軟物布綿在上若施主心重有感似人坐處
即知報身來赴若無相現但化身來若是輕慢報
化俱不至其坐不得綵畫錦綺綾羅金銀雜飾及
散華置上雖是羅漢然共凡僧同受二百五十別
解脫戒所以不受雜綵金銀等物若是諸佛菩薩
大乘之人非肩出家相者所以得受種種供養安
聖僧座及以歎食高處安置尺六已下不得作壘

形聖僧在座安置儻報身自來豈可推却塑像而坐若有聖僧錢還入聖僧用然燈燒香冬夏四時隨宜供養豈得互用若已用者並湏倍還不還得罪四分律云許此處不得異處得罪若是隨家常食每旦及午供養三寶心常不絕功德無量

漆字
函第

卷二

○食有四種時非時○藥及一切聽不聽珠林問何名食時何名過時答曰依四分律云謂明相出時始得食粥明相未出即是非時乃至日中按此午時爲法即是食時僧祇律云遇此午時影一髮
一臍草葉等即是非時也

毗羅三昧經佛說食有四種旦天食時午法食時暮畜生食時夜鬼神食時佛斷六趣因令同三世佛故日牛時是法食時也過此已後同於下趣非上食時故曰非時也 麋鹿經云佛言中後不食其有五福一者少婬二者少臥三者得一心四者無有下風五者身得安隱亦不作病 優婆塞戒經云凡所食者要先施於沙門梵志然後自食當作是念初下一匙飯時願斷一切惡盡下第二匙時願修一切善滿下第三匙時願所修善根回施衆生普共成佛 四分律云一切苦辛醎甘等不

任爲食者聽非時盡形像藥服。善見論云一切

樹木及果根莖枝葉等不任爲食者並得作盡形

藥服覆字函

第二卷

○雖獻一香一佛所。能徧無量無邊方三昧海經佛告阿難若禮一佛當作是念諸佛心智無有限礙我今禮一佛即禮一切佛若思惟一佛即見一切佛見一一佛前有一行者接足作禮皆是已身若以一華供養佛時即當作想身諸毛孔令一毛孔出無數華雲運想擬意供一切佛一佛上化成華臺諸佛受之於十方界施作佛事

供養香等亦復如是當發是願願此華香滿十方界供養一切佛化佛并菩薩無數聲聞衆受此香華雲以爲光明臺廣於無邊界無量作佛事禮佛若坐禪起是供養心常當發是願繒蓋幢幡音樂偈頌亦作是願我今設此少分供具願此供具漏供十方一切諸佛諸佛受之於幢幡中化光明雲於伎樂中偈頌之中演好法音

覆字函
第十卷

○五事不懈漸加以一十善圓成無上果四十二章經云衆生以十事爲善十事爲惡身三口四意三身三者殺盜婬口四者兩舌惡罵妄言

綺語意三者嫉恚癡不信三尊以邪爲眞優婆塞

行五事不懈退至十事必得道也

辭字爾
第七卷

華嚴

經云十善業道是人天乃至有頑處受生因又此上品十善業道修入聲聞緣覺菩薩乘又上上品

十善業道成就菩提

愛字函
第五卷

○佛尚貰鍼貧少福○人何厭善不勤修增一阿含經云阿那律尊者以凡常之法而縫衣裳便作是念得道阿羅漢誰與我貰鍼世尊至而告曰汝持鍼來吾爲汝貰阿那律曰向所稱說者謂世間欲求福者與我貰鍼世尊告曰世間求福

之人無有厭足無復過我

如字函
第一卷

○滴善寄佛祝藏之○經劫還渠終不失

泥洹經云佛告阿難若有衆生於諸佛所一發信心如是善根終不敗亡何況復作諸餘善根譬如此有人毛端露一滴水持至我所而作是言我以此水寄付瞿曇莫令風日飄暴乾竭不令鳥獸飲之令盡勿使異水而有和雜如來即受彼寄置恒河中隨流而夫使不入涸復無遮碍諸鳥獸等不能飲盡如是水滴共大水聚漸入大海毗嵐風起壞世界時而來我所言所寄水今有無耶如來知我

水滴住處不雜餘水不增不減平等如故持還被人如是如來應正遍知大智多能於受寄人中最尊最勝經於久遠而不虧損此義應知毛端者喻心意識恒河者喻生死流一滴水者喻一發微少善根大海者喻佛如來所寄人者喻彼長者居士等久遠不虧者喻善根不失

第三卷

○畜生念佛皆成道○蛤兒聞法也生天般泥洹經云若復有人但心念佛一生敬信我說是人當得涅槃果盡涅槃際且置人中念佛功德若有畜生於佛世尊能生念者我亦說其善根福

報當得涅槃

第二卷

經律異相云迦羅池中有

一蛤兒聞佛說法即從池出入草根下是時一牧牛人見衆圍繞聽佛說法前詣佛所欲聞法故以杖刺地誤著蛤頭蛤即命終生忉利天尋即思惟我先爲畜何因緣故生此天宮觀見因於聽法得此果報特蛤天人即乘宮殿往至佛所禮謝佛爲說法得須陀洹果

第八卷

布施品第二十

十九則

○給孤謀略纔營寺

天界宮成先待渠

經律異相云佛大檀越須達多長者居舍衛國常

施孤獨故曰給孤獨因往至舍城護灝長者家爲男求聘因見其家請佛說法須達本事外道忽聞佛法生歡喜心接足作禮兩白佛言我舍衛國人多信邪弟子欲營精舍請佛往化願垂聽許佛默受請即遣舍利弗指授規則遍處求踏唯有祇陁太子一園廣八十頃林木鬱茂幽靜可居既得勝地往白太子太子戲曰滿以金布便當相與須達喜曰此園已屬我矣太子對曰我戲語乎兩成興諍時首陁天下爲評議以太子法不應妄語價既已決不宜中悔湏達出金布八十頃須臾欲滿尚

缺少地祇陀即語須達園地獨卿樹林屬我共以上佛捉繩定基之際舍利弗忽笑須達問其故答曰汝始於此經營而六欲天宮殿已成汝果報也即借須達道眼果見問舍利弗是六欲天何處最樂舍利弗言第四欲天補處菩薩常從說法須達言我願生此出言既竟餘宮悉滅精舍告成凡千二百處白王遣使請佛安居靈字因第三卷

○阿育王經生因施土厥後世報爲王
阿育王經云佛在此特入舍城乞食見二小兒一名德勝二名無勝弄土而戲擁以作城舍宅倉

庫以土爲麩著於倉中見佛相好德勝歡喜掬倉
中土名爲麩者奉上世尊而發願言使我將來蓋
於天地廣設供養緣是善根發願功德佛般涅槃
一百年後作轉輪王王闍浮提府字函
第一卷 又雜阿
含經云阿育王問諸比丘言誰於佛法中行大布
施諸比丘言給孤獨長者捨百億千金乃大檀越
王亦欲施百億千金時造八萬四千寶瓶及諸幡
蓋付諸夜叉於闍浮提一切國土乃至大海起塔
諸耶舍尊者云欲於一日一念之中起八萬四千
寶塔一時俱成於彼一一塔中復施百千金復作

五百大會會有三百千比丘用三百億金供養如
是計用九十六億千金王後得病以未滿願即辦
珍寶送雞雀寺中諸臣白太子庫藏已竭令典藏
者勿復出與大王用之時王既知索物不得所食
金器盡送寺中太子令斷金器勅以銀器王復送
寺銅器亦然至用瓦器時大王只有半箇阿摩勒
菓在手悲淚呼傍臣言此闍浮提是我所有今於
財寶不得自在唯此半菓我得自由令送寺中研
磨爲漿和石榴羹供養衆僧庶得周遍此是最後
擗波羅蜜哀憫我故受納此施時王復問群臣誰

是闍浮提王臣曇大王是也王曰我今以此闍浮
提施與三寶隨意用之而說偈曰

今此闍浮提多有珍寶飾 施與良福田
果報自然得 以此施功德 不求天帝釋
梵王及人主 世界諸妙樂 如是等果報
我悉不用受 以是施功德 疾得成佛道
爲世所遵仰 成得一切智 世間作善友

導師最第一川字函 第五卷

○舉家皆福隨人感○往世同食施佛來
五分律云昔跋提城有長者名文荼舉家兒婦以

至奴婢皆大福德長者入倉空中兩穀出而後止
婦取飯器分布內外隨取隨滿兒捉金囊鴻出真
金莊而不竭兒婦出米一斛供家一月而亦不盡
其奴耕時輒成七壠其婢磨香半兩塗家內外亦
不減盡四方人聞莫不來觀及瓶沙王與天眷至
果見如是歡服不已長者白佛我兒婦等皆云已
福竟是誰力唯願說之佛答汝等共有此福昔王
舍城一織師家因辟支佛持鉢乞食織師令以己
飯施之婦讓夫食持我分與兒至奴婢遙相讓施
辟支佛言汝等皆已捨分與我善心爲罪可共減

與汝食不少我亦得足人減一匙平滿彼鉢辟支
受施神變而夫彼等命終坐六欲天展轉七反餘
福生此織師眷屬今汝等是

和寧肉
第一卷

○兒婦行檀宮殿樂○公姑障施渴飢羸

辟喻經云舍衛城東有一婆羅門大富其子娶得
事佛家女奉五戒持六齋常好布施勸夫行檀夫
即開解白其父母父母大恚謂破吾家婦持錢帛
與夫夫持與守閭婢婢持與守門奴奴送佛寺布
施夫婦誓言施若有福者當使天下人皆共見之
然後國俗三月三日舉國人民皆至水上作樂忽

東南角有一天人騎一白馬乘空而過衆人仰問
是何神靈答曰問後來者湏臾復見七寶宮殿有
一玉女獨坐其上四大天神接殿飛行衆人又問
君何功德玉女亦令問後來者俄而復見大七寶
殿一天一女共坐其中前後妓樂十二天神共接
其殿衆人又問有何功德亦答問後來者湏臾復
見二薛荔鬼乃鐵鬼異名身長三丈黑瘦醜陋饑渴苦
痛身中熾然各捉大棒更相撲打衆人又問答曰
諸君還聞舍衛城東大富婆羅門否騎白馬者是
守門奴小殿玉女者是守閭婢大殿二人我兒與

婦二鬼是婆羅門夫婦前世愚癡不信正法今當厄禍可復柰何

啓字函
第一卷

○婢施一金公主貴○貧捨兩錢正后榮

法苑珠林云阿育王宮有一婢使見王作福自尅責言王先身時布施如來一掬土故得此富貴今日復作將來轉勝我先身罪今日廝下又復貪窮無可修福將來轉賤何有出期思已啼哭偶因掃地得一銅錢即施衆僧心生歡喜不久病終託阿育王夫人腹中爲女出世端正殊妙右辛常捲年滿五歲王抱膝上摩手取開有一金錢隨取隨生

而無窮盡須臾之間金錢滿藏王惱所以往問夜奢羅漢答言此女先是王婢掃糞壤中得一銅錢布施衆僧生爲王女報應如此又云昔閻崛山多有僧住送供者衆有一乞女作是思惟彼諸人等先世修福此生富貴今復重作未來轉勝我先不修此生貧苦今若不作未來轉劇傷心啼哭先於糞中拾得兩錢恒常保惜乞不得時當買食我今捨於不得食意即施衆僧時維那僧前欲爲咒上座不聽自爲兜頭復觸食與諸人旣見上座與食皆減與之女大歡喜便得果報出到樹下食

竟而卧施福所感黃雲覆之時值國王喪大夫人遣使訪有福德者至彼樹不見此貧女相師占之堪爲夫人沐浴更衣千乘萬騎迎至王所王喜甚重後念我今得是福報緣以兩錢施僧即白王言聽往報恩便以車載珍寶飲食諸山布施上座即令維那呪願夫人念言前施兩錢上座爲呪今載珍寶何不爲呪年少比丘亦嫌此事上座余時與夫人言我佛法中唯貴善心不貴珍寶夫人先施兩錢之時善心極勝今施珍寶吾我貢高是以我今不爲呪願半少比丘聞已慚愧時爲說法夫人

衆僧皆證初果

啓字爾
第一卷

○三錢布施五里歡○後生伏藏如斯廣

雜寶藏經云昔惡生王遊觀林苑見一金貓入西南角遣人發掘得一銅盆盆受三斛滿中金錢漸漸深掘復獲一盆次第而得三重之盞復從傍掘展轉不已滿五里中盡得銅盆滿盛金錢始初不異時王竒恠即詣尊者迦旃延所具論得錢因緣欲用得無災患否尊者答言此王福報但用無苦毗婆佛時有諸比丘於四衢道施大高座置鉢在上而作是言世人能於堅牢藏中若舉錢財入此

藏者水不能漂火不能燒玉不能奪賊不能劫有
賣薪人得三文錢聞此語已生歡喜心捨著鉢中
誠心發願去舍五里當還家時步步歡喜既到其
門向勸化處至心復願然後入舍余賣薪人今王
是也緣施三錢世世尊貴常得如是三重益錢緣
五里歡常滿五里有此錢藏王聞宿緣歡喜而去

驚字因
第上卷

○施一菓多劫無病○施一食七反爲天

付法藏經云毗婆尸佛時有一比丘頭痛之患薄
拘羅尊者夙爲貪人因持一阿梨勒菓施之病愈

緣施菓故九十一劫天上人中享福快樂未嘗有
病最後生婆羅門家其母早亡父婢後妻拘羅年
幼見母作餅從而索之後母憎嫉即捉拘羅擲置
鍼上鍼雖熾熱不能燒害母後煮肉拘羅復索母
益瞋恚尋擲盆中亦不能煮母後向河拘羅遂去
尋擲水中大魚吞之遭捕入市遇父買歸將剖魚
腹拘羅尚活告父安庠無至傷兒父旣見子喜抱
而出長大出家得羅漢果鍼熱不熾益煮不爛水
溺不漂魚吞不死刀割不傷年百六十無疾由施
病僧一菓添字因
第二卷達磨顯宗論云無滅尊者昔

於殊勝福田因一施食異熟從茲七反生三十三天七生人中爲轉輪聖帝最後生在大釋

自字函
第三卷

○施一縷成就菩提○施一燈亦得作佛

寶積經云旁耆羅私佛在世時有紡績者名績常紡微綫奉施如來因白佛言願愍我故受此縷綫爲攝受處以此善根於未來世得成如來能攝一切如是日施一縷滿千五百由此福故十五拘胝不墮惡趣千拘胝反爲轉輪王千拘胝又作天帝釋奉觀千拘胝佛又以香華衣服之屬供養如來從是以後經之阿企耶劫出現於世證大菩提號

善攝受如來由施微縷發心大故次第僕轉成滿佛法當知由心不由於縷而說頌曰 行施不求妙色財亦不願感天人趣爲求無上勝菩提施微而獲求大果

鳥字函
第一卷

阿闍世王受決經云王飯

佛已還於祇洹王多燃燈具百斛油從宮直至精舍時有貧母常欲供佛而無資財見王作此功德彌切傷感乞得兩錢至麻油家就買食膏留於佛前然之心計此膏不足半夕乃自誓言若我後世得道如佛膏當通夕光明不消作禮而去王所燃燈或滅或盡雖有人幹常不周匝貧母一燈迥然

獨耀通宵不滅膏又不盡及至明朝佛告目連可滅諸燈目連乃滅唯有貧母一燈三滅不滅便舉袈裟扇之益明乃以神通引毗嵐風吹之轉熾上照梵天傍照三千大千世界佛告目連止此當來佛之光明功德非汝威神所滅此母宿曾供養百八十億佛已從前佛受決務以經法開化人民宋暇修檀故今貧窮無有財寶後三十劫功滿作佛號曰湏弥燈光如來傷字函第七卷

○花奉慈尊蒙記荊○草蓋如來證辟支採華違王上佛經云王勑園監晨採好花肯送入

宮中路遇佛聞法歡喜以所持花悉散佛上佛授決曰汝已供養九十億佛却後百四十劫汝當作佛號曰妙華如來傷字函第七卷菩薩本行經云佛在

纏單羅延國領千二百衆行村落間時天盛熱路無蔭涼一放羊人念言三界之師冒涉盛暑編草作蓋用覆佛上捉隨佛行去羊大遠放蓋擲地還趣羊邊佛告阿難此人敬心草蓋覆佛十三劫中天上世間生尊貴處常有自然七寶之蓋而在其上竟十三劫出家爲道成辟支佛名阿耨婆達器

○採華上佛方途半○偶亡乘善達天中

辭喻經云昔有牧羊小兒因見池生五色蓮華採

以上佛未及於寺遭牛觸殺生忉利天啓寧第四卷

○施寺未住雨爲壞○蒙佛曾臨福必然

毗柰耶經云昔六衆闡陀化一長者捨造一寺下無水竇上無泄渠寺方成已明日慶讚佛知此寺夜後崩隕施主大惱而取命終勑諸苾芻布定力者於初夜分往詣闡陀所造寺中各修善品世尊於後夜分亦往彼寺起世俗心諸佛常法起世俗心者帝釋諸天皆悉知意而來雲集佛為宣說諸法無常時諸苾芻與佛俱去至後夜時風雷大雨

水無出處寺便崩倒天明施主諸寺慶讚作如是念捨無量財未曾受用遂見崩隕悶絕于地少頃蘇醒佛令難陀告長者曰多有施主奉為如來造立房舍然佛世尊竟不受用於彼施主福亦隨生何況汝寺於初夜時有眷宿德苾芻皆不受用世尊亦往諸天來集宣說妙法福利無邊長者聞已深生歡喜而字函第十一卷又云房始成時一新受戒年少比丘戒德清淨入此房中已畢檀越信施之德若起億數種種房閣種種莊嚴下至余剛地際高廣嚴飾猶如須彌設若有一淨戒比丘暫時受用

已畢施恩何以故佛於無量劫中修菩薩行今得成佛始體解波羅提木叉以授衆生非世間法是背離世俗向泥洹門九房舍卧具飲食湯藥是世間法非是離世間難得之法子字幽
卷七

○人歎佛乞太頻頻○佛告汝福亦數數雜阿含經云佛於晨朝入舍衛城乞食到婆羅門家盛滿羨飯以奉世尊於第二日及第三日復詣乞食彼婆羅門作念數來佛知所念即說渴言天雨數數降五穀數數熟道人數數乞檀越數數與數數生天上數數受果報婦女數懷妊

數數生子息數數掣牛乳數數得酥酪數數受於生數數消滅盡數數至於死數數悲苦惱亦復數數燒數數埋塚墓得斷後有道則止不數數若不數數生亦不數數死得不數數憂亦不數號哭

時婆羅門施食奉上世尊不受當以與誰佛言我不見沙門婆羅門若魔若梵若食此食有能如法得消化者佛復言此食宜應置於無瓦水中無瓦草中時婆羅門承佛教勑尋置水中即時熾然煙燄俱出滑滑振響婆羅門歎言希有投佛出家息
函第
四卷

○因兄勸施必獲報○開庫望來何太忙

布施望即報經云目連有弟巨富兄告之曰聞卿慳惜不好慧施佛常顯說慧施之者獲報無數弟既聞之開藏布施更新立庫欲受其報未經旬日財寶竭盡故藏悉空新藏無報向兄曰何誤乎目連曰止止無使邪見之士聞此鹿言吾今權且示汝微報以神足力接其弟至第六天上彼有宮殿七寶合成庫藏盈滿玉女營從數千萬衆純女無男弟問目連是何宮殿巍巍乃余目連告弟汝自往問天女報曰目連有弟大富布施命終之後當

來生此作我等夫其人聞喜詰兄懺悔還於世間

廣施不倦

丙字函
第四卷

○病僧須肉買俱無○斯那割股誠可切

賢愚因緣經云昔優婆夷摩訶斯那常以四事供養佛僧見病比丘問欲何食答言欲熟肉汁市禁屠殺即使人以金錢等重尋買俱無斯那思惟往昔菩薩以一鵠故猶自割肉不惜身命況佛弟子而不濟彼作是念已即割股肉合諸藥草煮以為

餽送病比丘食已頓愈

盤子函
第三卷

○若飯凡夫百有衆○不如持戒一善人

四十二章經云飯百凡人不如飯一善人飯千善人不如飯持五戒者一人飯持五戒者萬人不如飯一須陀洹飯須陀洹百萬不如飯一須陀含飯斯陀含千万不如飯一阿那含飯阿那含一億不如飯一阿羅漢飯阿羅漢十億不如飯一辟支佛飯百億辟支佛不如以三尊之教度其一世二親教親千億不如飯一佛

辭字函
第七卷

○供養無量百千佛。○不如無心一道人

施有三法

指要錄云佛爲須達說布施果報謂多施少報少

施多報供養百千白衣不如供養一淨行乃至供

養百千諸佛不如供養一無心道人

溪字函
第四卷

法

苑云施有三法一送食至寺名上就舍供養名中造舍乞施發心供養名下

添字函
第二卷

次四卷

施

○施食獲五無量福。○供僧亦七無盡功

食施獲五福報經云佛言食施有五功德一曰施命二曰施色三曰施力四曰施安五曰施辯何謂施命人不得食七日壽終智者能施則爲施命其施命者世世長壽財富無量何謂施色人不得食顏色顚額智者能施則爲施色莫施色者世世端正人見歡喜何謂施力人不得食身羸意弱智者

能施則爲施力其施力者卅世多力終無耗減何謂施安人不得食心愁身危智者能施則爲施安其施安者卅世安隱不遇災患何謂施辯人不能

食因不能言智者能施則爲施辯其施辯者卅世通達人採法言是爲五福食之報也

第二卷

尊

那經云尊那尊者白佛無盡功德還可得否佛答無盡功德甚深微妙若人歸心獲大果報乃有七種若善男子信心布施園林池沼充四方僧經行游止此是第一無盡功德復於彼中建立精舍衆僧安止此是第二無盡功德彼精舍內布施坐卧

之具所謂牀櫈氈褥衣被種種受用之物此是第三無盡功德復施財穀供養衆僧此是第四無盡功德復於往來衆僧常施所湏之物此是第五無盡功德復於病苦者能行布施及看病者亦行布施此是第六無盡功德乃至雨雪寒冷能修種種飲食湯藥衣被鞋履之屬供給衆僧得大安樂此是第七無盡功德若人具足此法獲大果報

輩字

○廣施七種梵天福○敬施五人大果功

佛說福田經云廣施有七一者興立佛圖僧房堂閣二者園菜浴池樹木清涼三者常施醫藥療救

衆病四者作堅牢船濟渡人民五者安設橋梁過度羸弱六者近道作井渴乏得飲七者造作清廁施便利處是為七得梵天福第三卷 蘭字爾 雜毗曇心論云施五種人得大果何以故父母長育生身恩故施得大果病者無依增悲心故施得大果善說法者示善惡故施得大果遊佛地者積集功德攝衆生故施得大果第八卷 華字爾 又雜阿含經云波斯匿王白佛應施何處當得大果佛言我今問汝隨意答我辭如戰鬪集諸戰士而有婆羅門子從東方來刹利童子從南方來鞞舍童子從西方來首

陀羅童子從北方來不善兵法畏憚前敵如此士夫王當賞不王白佛言不賞佛告大王臨戰鬪時有婆羅門等童子善學武藝能破巨敵如此戰士加重賞不王白佛言重賞佛告大王如是沙門婆羅門遠離五支成就五支建立福田施此田者得大福利得大果報何等爲捨離五支謂斷貪欲蓋瞋恚睡眠掉悔疑惑何等爲成就五支謂成就無學戒身定身慧身解脫身解脫知見身第二卷 不字爾

○施灑兜福晒其虛○示舌覆面言何妄普曜經云諸婆羅門因共立制若與佛食共佛語

者罰金錢五百時佛入城乞食人皆閉門空鉢而出有一使女以破瓦器盛臭濘澣二音出門弃之見佛空鉢信心清淨欲興供養無由如願云此弊食湏者可取佛知彼意即受其施而說女人施食十五劫中天上人間受福快樂不墮惡道後得男身出家學道成辟支佛婆羅門云佛爲食故妄語如此不堪臭食果報余重佛即出舌覆面上至髮際語婆羅門汝見經書頗有此舌作妄語不婆羅門言如此舌者必不妄言禮佛悔過佛爲說法得初道果即大聲告衆曰甘露門開如何不出諸婆

羅門迎佛供養皆得淨信

第一卷
管子幽

壽命童子經

偈曰 日月星辰可墜地山石從地可飛空海水淵深可令枯佛語決定無虛妄

第二卷
管子幽

○施少福多誰肯信○種小樹大我何誣雜辭喻經云舍衛城外有清信女佛至分衛飯著鉢中作禮佛爲兜願種一生十種十生百種百生千乃至生萬生億得見道諦其夫不信問佛何過甚哉施一鉢飯得爾多福復見道諦佛言卿見尼拘類樹高幾許答高四十里歲下數萬斛實佛言汝語何過甚乎種如纖芥高四十里下乃斛子荅

曰實爾佛言地者無知其報力爾何況歡喜持一
鉢飯上佛其福不可稱量夫婦心意開解得須陀
洹道

闍字函

○鼠雀有侵依我活○慈悲無害施功深
優婆塞戒經中云若復田倉多有鼠雀犯暴穀米
但作是念如是鼠雀因我得活念已歡喜無觸惱
想當知是人得無量福

鬼字函
第五卷

○富貧因乞俱生惱○苦樂良由一念差
法苑云有二種人一則大富一則貧窮有乞者來
如是二人俱懷苦惱有財物者懼其乞索無財物

者我當云何得少財物與之如是二人憂苦雖同
果報各異貧悲念者生人天中受無量樂富慳貧
者生餓鬼中受無量苦

府字函
第一卷

○貧施富慳由夙昔○既富無榮悔施愆
彌勒所問經云富人慳惜貧者能捨其義云何答
曰彼人過去雖久習慳忽遇清淨福田少行布施
是故願得今身富樂以習成性慳猶不捨貧能施
者被人過去於非福田無信心故不至心故爲名
稱故爲求事故求尊重故被人能施以是義故不
得富報者施來故今猶能捨

傳字函
第三卷

雜阿含經

云舍衛城長者名摩訶南無有子胤遇患命終家財入官金銀珍寶數千億萬不可稱計以慳貧故惜不食歟所可食者極爲鹿彘若食羹時煮薑一把握薑已還取賣爲財用所向著者唯衣鹿布乘朽故車連綴樹葉以爲傘蓋未曾見其修少布施沙門婆羅門貧窮乞兒又復不能供養父母妻子奴婢佛言愚人非善丈夫此摩訶南曩施辟支一飯不至心施不自手施掠擲而與後復生悔由先施食得生富家有悔心故自然不喜享用而又往世爲錢財故殺異母弟經地獄苦後報人中錢財七

反常沒於官摩訶南施辟支食受福已盡入于地

獄息字爾

○食不出生非佛子○施非隨分豈智人

大涅槃經云佛遊聚落樹下一神名曰曠野雖食肉血日食一人我為說法然彼愚癡不受教道我即化身爲大力鬼動其宮殿令不安所彼鬼迷悶我以慇懃手摩其身即還坐起生善信心我復本相爲說法要受不殺戒彼鬼白言我及眷屬唯仰血肉以自存活今以戒故當云何活我即答曰今勑弟子隨有修行佛法之處令施汝食不能施者

非吾弟子一字函施食偈云汝等鬼神衆我今

施汝供七粒遍十方一切鬼神共優婆塞戒經
云若多財寶有良福田內無信心不能奉施亦名
貧窮是故智者隨有多少任力施與

鬼字函第四卷

○愛心擇捨福不廣○弃親著施果尤虧
法苑云佛之姨母摩訶波闍波提佛已出家手自
紡績預作一端金色之氈積心係想奉上如來佛
令持施衆僧波提重白佛言自佛出家心每思念
故手自作唯願垂愍為我受之佛告之曰知母心
專發用施我然恩愛心福不弘廣若施衆僧獲報

彌多我知此事是故相勸

府字函第一卷

優婆塞戒經

云若惱眷屬得物以施是人未來雖得大報身當
痛苦若先不能供養父母惱其妻子困苦奴婢而
布施者是假名施不名義施名無憐愍不知報恩
是人未來雖得財寶常失不集不能出周身多病
苦剋字函第五卷

○施有五種為如法○復於五事所不應
法苑論云財施有五種一至心施二信心施三隨
時施四自由施五如法施又云所不應施復有
五事一非理求財不以施人物不淨故二酒及毒

藥不以施人亂衆生故三置羅機網不以施人惱衆生故四刀杖弓箭不以施人害衆生故五音樂女色不以施人壞淨心故

府字函
第一卷

○莫謂非理施無益○也從惡趣得優游

大智度論云若人鞭打拷掠閉繫非理得財而布施者生象馬牛中雖受畜形負重鞭策羈絆乘騎而得好屋好食爲人所重以人供給又如惡人多懷瞋恚心曲不端而行布施當墮龍中七寶宮殿妙色好食又如憍人多憍瞋心布施墮金翅鳥十有如意珠以爲瓔珞變化萬端種種所須無不如

意又如宰官之人枉濫得財以用布施墮鬼神中作鳩槃茶鬼種種變化五塵自娛又如多瞋很戾好嗜酒肉之人而行布施墮地夜叉鬼中常得種種音樂飲食又如有人剛暴強梁而能布施車馬代步墮虛空夜叉中而有大力所至如風又如有人妬心好諍能以房舍卧具衣服飲食布施生侖觀飛行夜叉中種種娛樂有便身物若惱前人強求其物而營福者又招其罪不如淨治內心得利

轉勝

德字函
第二卷

○既我無施宜緘口○遯彼行檀自取殃

百緣經云目連入王舍城乞食見五百餓鬼白言
尊者願垂哀愍語我家中言我等輩為長者子在
日放逸不好布施不信三寶見諸沙門入城乞食
既不自施逆遞他人言此道人不自生活但仰百
姓今若與者後日復來終無厭足以是業緣隨餓
鬼中唯願尊者語諸親里共設大會請佛及僧使
脫此身目連告曰汝等至會所不餓鬼答曰身如
燋柱腹如大山咽如細針髮如錐刀肢節洞然馳
走求食了不能得設見甘饍變成膿血云何能請
會所目連如言語其眷屬為設會時入定遍觀彼

諸餓鬼不見恠其所以尋往白佛佛告目連彼諸
餓鬼業風吹去非汝聲聞所能知見蒙汝設會罪
垢得除吾自能令來至會所佛為說法其夜命終

生忉利天

經字函
第五卷

○貧者雖窮應可施○阿誰無線井麁塵
優婆塞戒經云無財之人自說無財是義不然何
以故一切水草人無不有雖是國主不必能施雖
是貧窮非不能施何以故貧窮之人亦有食分食
已洗器皿蕩滌汁施應食者亦得福德若以塵麁
施於蠻子亦得無量福德果報天下極貧誰無塵

許麁耶誰有三日食三揣麁命不全者是故諸人應以食半施於乞者善善者極貪之人誰有赤裸無衣服者若有衣服豈無一線施人天下之人誰貧無身如其有身見他作福身應往助亦名施主

亦得福德

解字函
第四卷

○天下至難惟有五○因中能施以推先

四十二章經云天下有五難貧窮布施難豪貴學道難利命不死難得覩併經難生值佛世難

○不知足雖富而貧○若知足雖貧而富

四十二章經云佛告比丘若欲脫諸苦惱當觀知

足知足之法即是富樂安隱之處知足之人雖卧地上猶爲安樂不知足者雖處天堂亦不稱意不知足者雖富而貧知足之人雖貧而富不知足者常爲五欲所牽爲知足者之所憐愍

解字函
第四卷

○財屬五家非我物○慳不散施後生貧

寶積經云善安大梵天王太子語父母曰金銀瑠璃水精碑礲碼碯明珠寧可藏乎欲濟貧之況一切財業非是真寶水火盜賊縣官惡子五家有分耳父母言善如子所志便取廣施

解字函
第四卷

優婆塞戒經云若人得財貪惜不施當知即是未來世

中貧窮種子

卷五

○親與非親應等憲。捨并不捨。豈常存。

寶積經云。在家菩薩於自子所不應極愛。若於子所生於極愛。非他人所則爲自毀。應以三法而自呵責。何等爲三。菩提道是平等之心。非不平等心。菩提道是正行所得。非邪行得。菩提道是無異行。得非離行。得復次應。呵已心於自子所生怨家。想惡知識。想非善知識。想違逆佛智平等之慈害。我善根彼應隨處自調於心。如愛其子一切亦然。如愛自身。一切亦然。應修是觀。我異處來。子異處來。

何以故。一切衆生曾爲我子。我亦是彼諸衆生子。終不生念我子。彼非何以。故去至六趣而復爲怨。或復爲子。我其當作等親。非親我以何故。於其所親。倍生愛與於非親。所一切不與。若我生於愛。不愛心不能趣法。何以故。不等之行。至不等處。行平等行。至於等處。我不應行。是不等行。我學等心。與諸衆生至一切智。○又云。在家菩薩乞者來求。隨所施財。應至心念我所施財。及不施財。俱當散滅。不滿所願。必當歸死。我所捨財財當捨我。我今當捨。令作堅財。然後乃死。捨此財已死時無恨。

卷五

○獨輸牧女最先饋。復義純陀末後食
釋迦譜云佛成道時林外有一牧牛女人難陀波
羅時淨居天來下勸言太子今者在於林中汝可
供養女人聞已心大歡喜于時地中自然而生千
葉蓮華華上有乳女人見此生奇特心即取乳糜
至太子所頭面禮足而以奉上太子即便受彼女
施而兜願之今所施食欲令食者得充氣力當使
施家安樂無病終保年壽智慧具足太子復言爲
我成熟一切衆生故受此食即受食之身體光悅

堪受菩提

彌字函第三卷

經律異相云佛臨入滅有拘

尸城工巧之子名曰純陀泣告世尊我等從今無
主無救貧窮孤困故從如來求將來食唯願哀受
我等微供然後涅槃佛言我今爲汝斷除貧窮以
無上法爾汝身田令生沃芽令汝具足檀波羅
蜜純陀號哭復白大衆同共禮勸佛莫涅槃佛告
純陀諸佛法爾有爲亦然速辦所施不宜久停是
時天人皆來奉供佛悉不受大衆唱言奇哉純陀
成就大福我等供具則爲唐捐世尊欲滿衆望一
毛孔化無量佛一一諸佛各有無量諸比丘僧

悉皆受供釋迦如來自受純陀所奉設者食滿八斛以佛神力皆悉充足了一切大衆

靈子肉
第四卷

○薩埵投身憂虎餓。達王割肉貿鷺饑

金光明經云曩世有王摩訶羅陀生三太子長子名曰摩訶波那羅次子名曰摩訶提婆小子名曰摩訶薩埵出遊林野見有一虎適產七日而有王子周匝圍繞饑餓欲絕第一王子惄其饑逼必還歟子第三王子問言此虎所食何物第一王子報言此虎食新肉血第三子言君等誰能與此虎食第二子言此虎饑因餘命無幾不容餘處為其求

食設餘求者命必不濟誰能爲此不惜身命第三王子作是念言我從昔來多棄是身都無利益復觀是身如水上沫多諸蟲戶不淨可惡我今捨離以求寂滅無上法身憲兄遭難同還中路薩埵潛身復至虎所作是誓言我今爲利一切衆生求於菩提捨難捨故卧餓虎前虎無能爲求刀不及即以乾竹刺頸出血於高山上投身虎前于時大地六種震動是虎即舐王子身血啖食其肉唯留餘骨二兄見地大動疑弟捨身共復虎前果見如此佛言余時薩埵今我身是大王羅陀今頭檀是王

妃夫人。今摩耶是第一王子。今彌勒是第二王子。
今調達是虎瞿夷是虎。者今五比丘及舍利
弗目捷連是。度無極經云昔薩婆達王普施衆
生恣其所索天恐奪位往而試之。帝釋即現命邊
王曰薩婆達王慈潤滂沛福德巍巍懼奪吾位即
化爲鷲邊王作鵠趣王足下恐怖告曰哀哉大王
吾命窮矣。王曰莫愁吾今活汝鷲尋後至云鵠此
來鵠是吾食願王見還王曰鵠來逃命終始無違
苟欲得肉即當相與鷲曰唯願得鵠不用餘肉王
曰以何等物令汝置鵠歡喜而去鷲曰若王慈慧

憫衆生者割王肥肉而以易鵠吾當欣受王乃大
喜自割髀肉對鵠稱之令與鵠等鵠之愈重割身
肉盡故未能敵瘡痛無量王以慈忍又命近臣曰
殺我稱髓令與鵠等吾奉佛戒濟衆危厄雖有衆
惱由如微風焉能動太山耶鷲復本身稽首問曰
大王何志苦惱若茲曰吾不志天帝釋及飛行皇
帝吾觀衆生沒于盲冥誓願求佛教度彼衆帝釋
驚曰我謂大王欲奪吾位是以相試王曰使我身
瘡瘳復如舊志常布施沃藥傳之瘡瘳頓愈稽首
繞王三匝歡喜而去覆字曲
第十卷

○竭折全軀書一偈○求聞半偈捨全軀

智度論云釋迦文佛爲菩薩時名曰樂法特世無
佛不聞法語四方勤求了不能得爾時有魔變作
婆羅門語我有佛所說一偈汝能以皮爲紙以骨
爲筆以血爲墨書寫此偈當以與汝樂法念言喪
身無數不得是利即自剥皮曝之令乾欲害其偈
魔便滅身佛知至心即從下方涌出爲說深法得
無生忍立字函九卷涅槃經云過去佛日未出我於
爾時作婆羅門修菩薩行遍求經典不聞名字雪
山坐禪精修苦行釋提桓因變作羅刹形甚可畏

偈過去佛所說半偈諸行無常是生滅法說已便
住是苦行者聞此半偈心生歡喜因顧無人唯見
羅刹而你是語適所聞偈啓悟我心羅刹說耶或
非說耶他答我言我不食來已經多日饑渴所迫
心亂謬語非我本心之所知也我復語之汝所說
者義猶未備若能爲我說是偈竟我當終身爲汝
弟子羅刹答曰汝但念法不念我饑實不能說我
即問言所食何物答所食者唯人暖肉及所飲者
唯人熱血我語但爲全擇是偈當以身施羅刹答
言誰當信汝爲八字故棄所愛身我即答言捨不

堅身得金剛身諸佛菩薩能證是事羅刹即說生滅滅已寂滅爲樂語汝已聞具足偈義當施我身時我踊躍若石若樹處處寫已即上高木自投而下羅刹復還帝釋之身接我置地以是因緣超十二劫在彌勒前成就菩提

第一字函
第四卷

○施雖多而獲福少○施雖少而獲福多
菩薩本行經上云賢者須達若家貪窮至信道德往佛聽法佛問在家之士當行布施不布施也須達白佛當行布施多施耶少施耶以好意施耶不好意思施耶佛言所施雖多而獲報少所施雖少而

獲報多何謂施多而獲報少雖多布施而無至心無恭敬心不大歡喜貢高自大所施之人信邪倒見非是正見不得快士所施雖多而獲報少猶如耕田薄地之中下種雖多收實甚少何謂施少而獲大福所施雖少歡喜心與清淨心與恭敬心與不望報與所施之人復得快士佛及辟支沙門四道應正見者所施雖少獲報弘大猶如良田所種雖少收實甚多器字函又般若經云何多行布施攝受少福少行布施攝受多福若諸菩薩雖經碗伽沙劫恒捨無量珍財施諸有情亦不回向無

上菩提願與有情皆同諸得一切智智如是菩薩多行布施攝受少福若謂菩薩雖經少時施有情類少分財物而能回向無上菩提如是菩薩行少

布施攝受多福

珍字函第九卷

○論其先苦而後樂○復有先樂而後苦

增一阿含經云比丘問佛以何因緣先苦後樂先樂後苦先苦後苦先樂後樂佛答若人百歲之中作諸功德或百歲中造諸惡業彼於異時或冬受樂或夏受苦如少^去時作福長時作罪後生之時少時受福長時受罪若少時作罪長時作福後生

之時少時受苦長時受樂若復少長常作功德分檀布施彼於後生先後皆樂 又云若有人生卑賤之家然無罪見以知昔日施德之報感得富貴不作施德恒值貧賤能改所作後生饒富是謂先苦後樂或有重生豪族之家然彼邪見與邊見相應後生地獄若得爲人在貧賤家是謂先樂後苦或人先生貧賤之家然懷邪見與邊見後生地獄若貧賤家是謂先苦後苦或人先生富貴之家敬重三尊恒行慧施後生火天恒受富貴是謂先樂

○或有身樂心不樂○或復心樂身不樂

增一阿含經云或有人身樂心不樂或有人心樂身不樂或身心俱樂或身心俱不樂若作福凡夫於四事中衣服飲食卧具醫藥無所乏短但不免三惡道苦是謂身樂心不樂若阿羅漢不作功德於四事供養之中不能自辦但免三惡道苦是謂心樂身不樂若凡夫人不作功德不得四事供養復不免三惡道苦是謂身心俱不樂若作功德阿羅漢四事供養無所短乏復免三惡道苦是謂身心俱樂

聲字函
第一卷

○或施有果而無用○或施有用而無果

彌勒所問論云布施果有四種一有果無用二有用無果三有果有用四無果無用初有果無用者謂不至心施不自手施輕心布施彼如是施雖得果報不能受用如舍衛天主雖得種種珍寶不能受用二有用無果者謂自不施見他行施起隨喜心以是義故雖得受用而自無果如天子物一切沙門婆羅門等雖得受用而自無果又如轉輪聖王四兵雖得衣食而不得果三有果有用者謂至心施不輕心施如樹提伽諸長者等四無果無用

者謂布施因。因即滅盡或爲出世聖道障故猶如遠離煩惱聖人傳等函

第四卷

○未離欲施生人天。能起悲心成佛道

智度論云未離欲布施生人中富貴及六欲天中若離欲心布施生梵世天上乃至廣果天若離色心布施生無色天中離三界布施爲涅槃故得聲聞道布施時惡厭憒閑好樂閑靜喜深智慧得辟支佛布施之時起大悲心欲度一切得成佛道名字函

函第
三卷

○受者因物以爲惡。○施人推憫有何愆

文殊所問經下云佛告文殊如有一人日日施食有人來乞因得食故劫盜他財是誰得罪文殊白佛非施主得罪施主唯有施意不令作盜佛答如是如是墨字函

○但知不等爲平等。那識將兒付與兒

文殊所問經下云文殊白佛菩薩能以妻子布施如醜婆羅門聞須達擎太子好施不逆人意就求二子以爲僕使歡喜施之子拒不隨被婆羅門鞭縛將去何無平等慈心佛告文殊如人有兩兒以其小兒施於大兒此父母是平等心否大兒打拍

小兒遂死誰當得罪文殊白佛言世尊父母等心無有罪過大兒自得此罪我於衆生常平等心如羅睺羅可愛可念提婆達多亦可愛可念是故菩薩無有罪過

墨字函

文殊○供養在心不在事○施先論心後論田智度論問曰菩薩若以一食供養一佛及僧尚是難事何況十方諸佛及僧答曰供養在心不在事也若菩薩以一食大心供養十方佛僧不以遠近爲碍是故諸佛皆見皆受問曰諸佛有一切智故皆見皆受僧無一切智云何得見得受答曰僧雖

不見不知而其供養施者獲福譬如有人遣使供養彼人彼雖不得而此人已獲施福如慈心三昧於衆生雖無所施而行者功福無量

名字函
第二卷

又

問曰菩薩遇得便以供養何以隨意求索答曰福德從心於所愛重持用供養得福增多如阿育王因地小兒時以所重土持用奉佛得闍浮提王若大人雖以多土施佛而無所得非所重故有人偏貴重華以其所貴持供養佛得福增多乃至隨室寒衣熱扇亦復如是

建字函
第十卷

宗鏡云如舍利弗

以一鉢飯上佛佛即回施狗而問舍利弗汝以飯

施我我以飯施狗誰得福多舍利弗言如我解佛法義佛施狗得福多舍利弗者於一切人中智慧最上而佛福田最爲第一不如佛施狗惡田得福極多以是故知大福從心生不在田也如舍利弗千萬億倍不及佛心問曰如汝說福田妙故得福多而舍利弗施佛不得大福答曰良田雖復得福多而不如心所以者何心爲內主田是外事菩薩本緣經偈云若行慧施時福田雖不淨能生廣大心果報無有量故知福從心生不因田出別請五百阿羅漢不如依次一凡僧何者以平等心福勝

取捨心福微則勝劣由心豈在田乎施法既爾六

度萬行亦然

車等國
第四卷

○施雖悲田勝敬田○君但心等其福等

諸經要集問若施聖人得福多者云何經說智人行施不簡福田答今釋此意義有多途明能施之人有愚智之別所施之境有恭敬之殊慈悲是貧苦敬是三寶悲是田劣而心勝敬是田勝而心劣若取心勝施佛則不如施貧故有諸衆生見他聚集作諸福業但求名聞傾家財物以用布施及見貧窮孤獨囁囁驅出不濟一毫如此衆生名爲顛倒

作善癡狂福甚可憐憫用財甚多獲福甚少善
男子我於一時告諸大衆若人捨阿僧祇身供養
十方諸佛菩薩聲聞不如有人施畜生一口飲食
其福勝彼百千萬億乃至施與蟻等悲田最勝如
舍利弗一飯上佛佛回施狗若據敬法重人敬田
即勝故又經云若施畜生得百倍報乃至頑痴恆
得無量報羅漢辟支尚不如佛況餘類也若據平
等而行施者無間恭敬等心而施得福弘廣故維
摩經云分作二分一分施佛難勝如來一分與城
中寂不乞人福田無二也

對字函第十一卷

○施藏無盡分十門○此義相對復五種
華嚴經云十無盡藏中第六施藏而有十種謂分
減施竭盡施內施外施內外施一切施過去施未
來施見在施究竟施 分減施者謂菩薩好行慧
施若得美食不專自受要與衆生然後方食凡所
受物悉亦如是若自食時念我身中有八萬戶蟲
我身充樂彼亦充樂我身飢苦彼亦飢苦我受此
食願令衆生普得充飽爲施彼故而自食之 竭
盡施者謂菩薩資生之具有人來言悉當與我菩
薩念自無始以饑餓故喪身無數未嘗毫許饒益

衆生而獲善利我今當同往昔捨命隨其所有一切皆施饒益於彼盡命無惞內施者謂菩薩受輪王位有人白言重病將死若得王身手足頭目我必存活菩薩念言身後必死無一利益念已施之外施者謂菩薩受輪王位有人言貧願求其位菩薩念言榮盛必衰至於衰時不能饒益我今隨彼充滿其意內外施謂菩薩處輪王位有人白言王處已久願捨與我及王爲我臣僕菩薩念言身及王位悉是無常當以不堅而求堅法即便施之乃至以身恭勤作役一切施謂菩薩處輪

王位時有貧人而乞國土或髓腦或妻子菩薩念言一切恩愛會當離別以此皆施過去施謂菩薩聞過去諸佛菩薩所有功德聞已不著了達非有但爲教化取著衆生成熟佛法而爲演說復觀過去諸法十方推求都不可得畢竟皆捨未來施謂聞未來佛之所修行了達非有不取於相不別樂生諸佛國土亦不生厭不以善根回向於彼亦不於彼而退善根但欲因彼境界攝取衆生成熟佛法然此法者非有與所非無處所非內非外非近非遠復作是念若法非有不可不捨見在

施謂菩薩開諸天王乃至二乘具足功德開已心
不迷沒但觀諸行如夢不實無有貪著爲令衆生
捨離惡趣修菩薩道成就佛法而爲開演究竟
施謂菩薩假有衆生諸根殘缺告言方便捨已所
有令我具足菩薩觀身奧穢不淨云何戀著應以
捨波經僧祇劫諸根不具亦不悔惜復念此身危
脆不堅我今云何而生戀著癡以施波充滿其願

章字爾
第一卷
諸經要集云布施五種相對謂田財對

輕重對空有對多少對染淨對對復有四
第一

田財相對一田勝財劣如童子施土與佛二財勝

田劣如將珍寶施貧人等三田財俱勝如將寶施
佛四田財俱劣如將草施畜等 第二輕重相對
一心重財輕如貧女將一甕施大衆得福弘多二
財重心輕如玉夫人心慢多將寶物施衆僧得福

尠少三四類
前四類

第三空有相對一心空不空境如

雖學空觀照惜財不施還得貪報二空境不空心
知其財施得富弘多樂捨得福 三四類
前四類 第四多
少相對法句喻經云施有四事一施多得福少者
如愚癡之人祭祀費用無有福慧是爲施多得福
少二施少得福多者如以慈心供道德人精進學

誦此施雖少其福彌大是爲施少得福多三施少得福少者慳貪惡意施邪見人俱兩愚癡是謂施少得福亦少四施多得福多者若有覺世無常建立塔寺供養三尊福如大河流入于海世世不斷是爲施多其報亦多第五染淨相對一施者清淨受者不淨二施者不淨受者清淨三施受俱淨四施受俱不淨且解一句餘三可知何等三俱清淨者如寶積佛寄華奉上釋迦文佛

對字函
第十卷

○大施三輪清淨空○一檀具六波羅蜜多般若經云舍利子問善現言云何修檀波羅蜜多

答有二種一者世間二出世間善現答言若菩薩爲大施主能施沙門婆羅門孤露乞者隨其所湏悉皆施與若復有求妻子王位頭目髓腦內外之家並皆施與雖作是施而有所依謂作是念我施彼受以有所得而爲方便與諸有情同共回向阿耨菩提復作是念我持此福施諸有情令得此世他世安樂乃至證得無餘涅槃被著三輪而行布施一者自想二者他想三者施想由者此三輪而行施故名世間布施波羅蜜多何緣此施名爲世間以與世間同共行故舍利子言云何出世間布

施波羅蜜多善現答言若菩薩行布施時三輪清淨一者不執我爲施者二者不執彼爲受者三者不著施及施果是爲菩薩行布施時三輪清淨舍利子若菩薩以大悲爲首所修施福普施有情於諸有情都無所得雖與有情同共回向阿耨菩提而於其中不見少相由都無所執而行施故名出世間布施波羅蜜多何緣此施名出世間不與世間同共行故能超越出世間法故乃至持戒安忍精進靜慮般若五波羅蜜中唯出世間三輪清淨一者不執我執修二者不執所爲有情三者不著

其果餘義與施皆同

恭字出第五卷

又金剛般若云菩

薩於法應無所住行於布施所謂不住色布施不住香味觸法布施菩薩應如是布施不住於相何以故若菩薩不住相布施其福德不可思量須菩提於意云何東方虛空可思量不不也世尊須菩提菩薩無住相布施福德亦復如是不可思量須菩提菩薩但應如所教住頌曰若論無相施功德極難量行悲濟貧乏果報不須望九天情行劣初且略撫揚欲知檀狀貌如空徧十方智

度論云。一念中能行六波羅蜜多。謂布施時如法捨財是檀波羅蜜。蜜安住大善道中。布施不向二乘是尸波羅蜜。慳等煩惱及魔等來不能動心。是羼提波羅蜜。布施不息是精進波羅蜜。攝心不散無疑無悔是禪波羅蜜。與者受者乃至財物俱不可得是般若波羅蜜。

正字函
第一卷

○先讚彼施使破慳。○後毀此檀令勿著。大乘論曰。辭如如來先爲一人讚歎布施後還毀。皆釋曰。有衆生如來先爲讚嘆布施功德後時或毀此施。何以故。若人於財物有慳惜心爲除此心。

故先爲讚嘆布施。若人已樂行施。施是下品善根。如來復毀此施。令彼渴仰其餘勝行。若不由此意讚而又毀。則成相違。由有此意。故一施中雖是讚毀。違而不違。

與字函
第六卷

○財施輪回非解脫。○法檀出世永逍遙。

未曾有經云。帝釋問野干曰。施食施法有何功德。答曰。布施飲食濟一日之命。施珍寶財物濟一世之乏。增益繫縛說法教化。名爲法施。能令衆生出世間道。

奄字函

大丈夫論云。財施者人道中。有法施者。大慈中有財施者。除衆生身苦。法施者除

衆生心苦財施者爲其作無盡錢財法施者爲能無盡智財施者爲得身樂法施者爲得心樂財施者爲衆生所愛法施者以爲世間所敬財施者爲愚人所愛法施者爲智者所愛財施者能與現樂法施者能與涅槃之樂盡字函 第九卷 法苑云比丘比丘尼優婆塞優婆夷能教化人具足施戒多聞智慧若以紙墨令人書寫若自書寫如來正典然後施人令得讀誦是名法施如是施者未來天上得好上色何以故衆生聞法斷除瞋心以是因緣未來世中得成上色衆生聞法慈心不殺以是因緣未來世中得壽命長衆生聞法不恣他財以是因緣未來世中多饒財寶衆生聞法開心樂施以是因緣未來世中身得大力衆生聞法離諸放逸以是因緣未來世中身得安樂衆生聞法除愚癡心以是因緣未來世中得無碍辯衆生聞法信心無疑以是因緣未來世中信心明了故知法施殊勝過於財施經字函 第十卷 又偈云百千世界中蒲中真金施不如一法施隨順令修行隸字函 第七卷 又金剛經偈云寶滿三千界齋持作福田唯成有漏業終不離人天持經取四句與聖作良緣欲入無爲海

湏乘般若船

○行世間檀心顛倒○出世間施聖稱揚

智度論云出世間檀清淨不雜諸垢智慧和合是聖人所稱譽世間檀不清淨雜諸結使顛倒心著是聖人所不稱譽問曰云何名檀答曰布施心相應善思是名為檀又云有信有福田有財物三事和合時心生捨法能破慳貪是名為檀檀有種種利益檀為寶藏常隨逐人檀為破苦能與人樂檀為善鄉開示天道檀為善府攝諸善人檀為安隱臨終不怖檀為集樂能破苦賊檀為大將能伏

慳敵檀為妙果人天所愛檀為淨道聖賢所由富貴安樂之林叢得道涅槃之津梁

德字肉

第一卷

又云

檀有三種一者財施二者法施三者無畏施持戒自檢不侵一切衆生財物是行財施能種種說法令其開悟名為法施衆生畏死持戒不害名無畏

施

德字肉

○聲聞雖施終此岸○菩薩行檀始那邊

智度論問曰阿羅漢辟支佛亦能到彼岸何以不名波羅蜜答曰羅漢辟支佛度彼岸與佛度彼岸不同而實異後以生死為此岸涅槃為彼岸而不能

度檀之彼岸所以者何不能以一切物一切時一切種布施設能布施亦無大心或以無記心或有漏善心或無漏心施無大悲心不能爲一切衆生施菩薩施者知布施不生不滅無漏無爲如涅槃相爲一切衆生故是名檀波羅蜜德字幽
第二卷 法苑云云何布施得到彼岸不得彼岸答曰如舍利弗六十劫中行菩薩道欲度彼岸特有人來就乞其眼舍利弗言眼無所任何以索之若須我身及財物者當以相與答言不湏唯欲得眼爾時舍利弗出一眼與之乞者得眼於舍利弗前嗅之嫌臭唾

而弃地又以腳踏舍利弗思惟眼實無用而強索之如此人輩不可度也不如自調早度生死於菩薩道退回小乘是名不到彼岸

府字函
第一卷

○迷心利已墮聲聞○達法利他超菩薩智度論云不爲衆生亦不爲知諸法實相故施但求脫生老病死是爲聲聞檀爲一切衆生故施亦爲知諸法實相故是爲諸佛菩薩檀於諸功德不能具足但欲少許分是爲聲聞檀一切功德欲具滿足是爲諸佛菩薩檀畏老病死故施是爲聲聞檀爲助佛道爲化衆生不畏老病死是爲諸佛菩

薩檀

德字函
新二卷

○不惟布施能生福。元來慳惱也招殃。正法念趣經云不施資財不以法施不施無畏常懷懼嫉以是因緣生餓鬼中。

初字函
第六卷

○施法雖是善因緣。爲財齋招惡果報法施分諸經要集云爲財物故與人說法不以悲心利益衆生而取財物或用飲酒或與女人共飲共食如伎兒法自賣求財如是法施其果甚少生於天作智慧鳥能說偈頌是名下品法施爲名聞故爲勝餘法師故爲人說法得報亦少生於天中受中

異報或生人中是名中品法施以清淨心爲欲增長衆生智慧及邪見者令住正法不爲財利如是法施自利利人無上最勝乃至涅槃其福不盡是名上品法施又云若慳惱障他禁明由是常生邊地無佛法處此則不如賣法他人及勝過此

張字函
第二卷

○修慧無福乾慧貧。修福無慧癡福濁經律異相云迦葉佛時兄弟二人共爲沙門兄持戒坐禪一心求道而不布施弟乃修福而常破戒後報生中兄雖爲人從釋迦出家得阿羅漢衣常

不充食常不飽弟生象中能却怨敵國王所愛金銀珍寶瓔珞其身封數百戶邑以供給之時兄弟立值世大歎遊行七日乞食不得末後得少餞食知象是前世弟而語之曰我昔與汝俱有罪也象識宿命憂愁不食王問有人犯此象不答曰唯一沙門來至象邊便去王覓沙門問之對以前因王意乃悟內字爾第十七卷

○財法二施始成功○福惠兩全方作佛法苑云前五度譬同盲人第六般若事同有目若不得般若開導前五便墮惡道不成出世若聞法

施過於財施愚人不解即便秘財唯樂讀經若行此法不如有人解心布施一錢勝如迷心讀經百千萬卷是故如來設教意存解行解即慧唯解無行解即便虛唯行無解行即便孤要具解行方到彼岸復次唯解無行如人有目無足不能遠涉唯行無解如人有足無目不能見道是故要湏解行雙行方成佛果經字爾第十八卷

大藏一覽集卷之二

發音大次發來

千卷

音接輸故人亦以無口不識長短女姑娶死撤許
82695

奇當於大率輸接許故人亦自無以不識接出
云惟明外銀穿符換籍竹項更解娶見抽音大徑
十萬卷身始收來號號接符繩符繩吸騎在繩無
尚志不收古人謂必本誠一始製吹數在繩無有
通斷急俱抵異人不報納驗繩銀其樂斯弘吉音

宥範卷之

